

## Band XI., Nr. 5234, Seite 214-215

*Herzog Hermann von Teck räumt dem Grafen Eberhard von Württemberg seinen Teil an Grafenberg, Nürtingen, Ebersbach, Plochingen und Reichenbach wieder ein.*

Ohne Ortsangabe, 1299. Februar 14.

Wir herzog Herman von Tegge verjehen und tûn kunt allen den disen brief sehent oder hõrent lesen, daz wir unserm õham graven Eberhart von Wirtenberg ledklich wider lazzen und haben wider gelazzen unsern tail an den gûten, si sin lehen aigen oder vogtai, dũ hie nach gescriben stant: den Berg und swaz dar zũ hõrt, Nũwertingen und swaz dar zũ hõrt, Eberspach und swaz dar zũ hõrt, Blochingen und swaz dar zũ hõrt und Richenbach, daz sin vatter und sin brüder und er da hetten und swaz dar zũ hõrt, ane daz gût daz unser vatter uns da hat gelazzen, und verzihen uf dũ selben gût und verscriben uns aller der rehte, die wir dar uf erkobert und gewonnen hetten vor gerihte mit urtail oder mit brieven, daz wir noch dehain unser erbe nach den vor genanten gûten nũmmer sũln gesprechen vor gerihte oder an gerihte. Wir verzihen och uf unsern vor genanten õham graven Eberhart von Wirtenberg alle ander vorderunge und ansprach, die wir uf in und uf sinu gût erkobert hetten vor gerihte und lazzen in der ledig, also daz er uns an den gûten zũ Stetten und zũ Rumoltshusen niht vurbaz sõl irren, wan als sie sin . . brüder an in braht. Dirre vor geschribenen red haben wir gesvorn uf den hailigen, daz wir sie stæte lazzen und wellen õch daz sie unser erben stæte haben und geben dar uber unsern brief gesigelt mit unserm insigel ze ainem urkũnde.<br> <br> Daz geschach an sant Valentins tage, do man zalte von gottes gebũrte zwelf hundert jar nũnzig jar und in dem nũnden jar.

—

Der Textabdruck folgt dem Original.<br> <br> Siegel abgegangen.

## Überlieferung und Publikationen

**Lagerort:**

HStA Stuttgart

**Signatur/Titel des Originals:**

A 601 U 135

**Editionen:**

Sattler: Geschichte Württemberg/Grafen, Bd. 1, Beilage 26.

## Weitere Angaben

**Sprache:**

Deutsch

**Ausstellungsort:**

Ohne Ortsangabe

**Aussteller:**

Hermann; Herzog von Teck

**Ortsindex:**

(Burg) Württemberg Wüstung (21519) <br> (Burg) Württemberg, Stuttgart, S, W <br> Ebersbach an der Fils Wohnplatz (674) <br> Ebersbach an der Fils, GP <br> Grafenberg Wohnplatz (15863) <br> Grafenberg, RT <br> Nürtingen Wohnplatz (421) <br> Nürtingen, ES <br> Plochingen Wohnplatz (440) <br> Plochingen, ES <br> Reichenbach an der Fils Wohnplatz (443) <br> Reichenbach an der Fils, ES <br> Rommelshausen Wohnplatz (1763) <br> Rommelshausen, Kernen im Remstal, WN <br> Stetten : Kernen im Remstal WN <br> Stetten Wohnplatz (1765) <br> Teck Wohnplatz (437) <br> Teck, Owen, ES